

趙恭毅公自治官書類集

趙恭毅公藥案畧存卷之二十一 目次

長沙何祖柱附梓

浙藩詳文

請準南糧口袋以甦民累事詳

預飭酌議撥派軍糈等事詳

編審屆期等事詳

請旨事詳

額天超豁等事詳

懇題援例歸縣省費裕課救竈湯火事詳

請復舊制收人心以絕掛累事詳

懇人題授例歸縣等事詳

請復舊制收人心以絕掛累事詳

瀝陳圖制舊典等事詳

浙省之兵米不敷捐米之存貯折耗謹請通給以

濟兵食事詳

浙藩牌檄

請旨事檄縣

申嚴委署以飭吏治事檄屬郡

欽除州縣之虧空先輩藩司之陋規特申條約共

質官民事檄屬府州縣

酌議官捐等事檄屬府州縣

浙藩告示

敬惜字紙示

嚴飭官方以肅功令事示司道府州縣

浙撫奏疏

陞浙撫謝恩疏

總憲奏疏

請免民房地租疏

請正文體疏

請免潼關衛大同府五十一年未完米豆草束疏

叅土司田旻如僭越請祝萬壽疏

題知州鄭人惠被鹽院冤叅疏

請禁虛兵冒餉疏

戶部奏疏

老病乞休疏

遺本

趙恭毅公藥案畧存卷之二十一

長沙何祖柱附梓

浙藩詳文

請華南糧口袋以甦民累事詳 辛巳三月到任後

三日

竊照浙省各府屬解省南糧按月給發各旗營官兵以爲口糧之用而官兵赴領每石每年索口袋壹隻旗員及各衙門俸米則每石每次索口袋壹隻此項口袋並無額編銀兩該州縣自不得不派取民間需役借端多

派每米一石索口袋一隻卽不及一石少至數斗者亦如
之每袋一隻折收錢四十文以康熙三十九年通計省
倉收米九萬六千七百六十七石零派收民間口袋十
萬而有餘約費民間口袋銀四十兩而不止當此三空
四盡於完納正供之外復有此費民力幾何而堪此腰
削也本司舟過嘉興訪知此弊查訊嘉興縣經承張時
英私賣米袋一百五十隻現在枷號倉前示衆外但荷
役之橫派不無藉口關支之索取查京倉支放官俸兵
糧俱係自備口袋裝領今浙省南糧盡剝運解苦累已

極又加以米袋無名之雜費實有難堪伏思

朝廷惠愛元元無微不至似此額外徵求恐非

聖天子除弊安民至意敢請 憲臺俯賜移咨 將軍

併有俸米各衙門嗣後開支俸米兵糧照依京倉例俱

各自備口袋赴倉關領其各縣南糧口袋悉行革除仍

嚴行通飭毋許私徵累民敢有故違一經告發訪聞官

即詳叅役則究處庶罔罔不困於私徵而輸將爭趨於

恐後矣伏候 憲裁

撫都院張 批

徵解南米索取口袋以致縣胥轉派累民本都院現經
通飭示禁并移會將軍令旗員自備口袋赴領矣據
詳請禁具見除弊恤民共有同心即即散行各屬
才名作上革除永絕弊端仍候督部院批示
繳

督部院郭

批詳

據詳南糧口袋實係累民陋弊該司新例剔釐足見留
心民瘼如詳通飭永行禁革毋許派累如違定行泰究
仍候移咨將軍並候撫都院批示繳

預飭酌議撥派軍糈等事

其餉請歸州縣支給
辛巳四月

竊照浙屬民生苦累多端而南糧其一也卽以留撥各府兵餉言之其間遠近之不一水陸之不同平易險阻之不齊竭蹶而起惟有耐心而嘆茲蒙 憲臺軫念民艱檄行定議誠欲除疾苦而登之樂利也但道路情形必俟各府勘覆未敢草率繪圖致滋舛誤惟是

憲檄所云某處同係營兵自領某處原係州縣解支並卽聲明遵查留撥兵米該營赴縣支領者則嘉興湖州寧波紹興台州處州也該營赴府支領者則金華嚴州

也其衢州則楓嶺營赴江山縣倉支領龍常開三縣解
府支給衢協西安縣米府給印票縣倉支放衢協温州
則各營俱赴縣支領止有泰順縣撥溫平二鎮兵米解
府支給此其營兵赴府縣支領之米畫一也然而赴縣
支領者什之九赴府者什之一伏讀 憲檄謂州縣所
解米石可否徑交營員收領不用解府轉發省此轉折
以免需索耗費誠洞析秋毫無微不燭者矣竊以爲州
縣所撥米石卽交營員收領自屬徑捷而少費其解府
轉發殊爲多事伏候 憲裁以昭畫一而本司更有仰

遵 憲臺推廣 洪慈者則兵米固不必解府轉給而

兵餉銀尤不必解府轉給也夫兵餉撥自地丁州縣徵
之州縣給之有呼卽應無弊可生一經解府則胥役之
措勒彈覓之折耗固有不可勝言者今日州縣方惴惴
不自保而又納之罟獲其若之何倘謂知府監放故必
由知府給發則領餉於縣而放餉於府固有並行不悖
者况各營每年赴司庫領銀米者甚衆豈可領之司庫
者反不可領之縣帑乎民生已悴民力日艱省一事則
受一事之福減一分則蒙一分之惠兵餉銀米應否悉

令營員赴州縣自領以省浮費以恤窮黎伏候

憲裁事關營餉冒陳管見仰祈批示遵行

撫都院張 批

據詳兵餉銀米悉令營員赴州縣自領直隄暢快以絕弊端洵爲省費恤民之舉如詳行卽將州縣所徵銀米及各管應支糧餉逐一就近酌撥造冊具詳以憑核奪飭遵仍候 督部院批示繳

督部院郭 批

如詳行仍候 撫院批示繳

編審屆期等事詳 辛巳四月

竊照康熙四十年係浙省編審大造之期釐奸剔弊上
厘清衷地方攸賴千載一時伏讀 憲發事宜業已無
弊不照無好不燭矣第查據各州縣條陳各爲地方起
見所言不無異同節奉 憲臺批行的議彙報本司備
加檢閱其間亦有因地制宜不容膠柱或法立弊生務
須整一者總期下協輿情上遵

功令以無悖乎 憲頒之大意芻蕘不揣敢爲

憲臺陳之一均圖畝數宜從舊便民也查各州縣額設

里圖皆度地面之廣狹以定里圖之多寡版章一定無容增減故奉

旨均田以後就一邑之里圖通算合邑之田畝均勻裝入各州縣之里圖多寡不同則各州縣里圖所均之田畝多寡亦不一蓋均田原以均役派役必照派糧各里各圖之糧地既均則各里各圖之應役自無偏累相沿已久民胥稱便現據於潛昌化象山等縣詳請仍循舊編俱蒙批允仰見 憲臺通變宜民因革盡善但各州縣紛紛詳請未免屢費成嚴合無仰請 憲行通飭闔

屬各照額設里圖均編田畝毋令參差以致偏枯亦無
或紛更以滋弊伏候 憲裁一宜儒立圖不宜過分
名目也查宦儒另圖原以稽察抗糧恐紳衿與齊民同
里同甲以齊民而催紳衿之糧有呼莫應賠累不堪故
將宦儒地畝提出另圖法固甚善但積久弊生始之欲
稽其抗糧者繼則藉另圖以爲詭避之地始之欲杜其
賠累者繼且因另圖而多難派之端蓋州縣一應雜差
俱照額編圖分算派宦儒既另立名色便可借名優免
宦儒多一畝之優免民間卽少一畝之當差以闔邑宦

儒之差均攤於非宦非儒之戶熒熒赤子其何以堪現
有工垣陳具疏指陳極爲痛切且宦儒之地畝日溢
宦儒之圖分亦日增久後濫觴將何底止已據平湖縣
詳宦儒田溢額無圖可裝前既添二今又添六變亂版
章莫此爲甚合無仰請憲行通飭闔屬凡宦儒地畝
俱聽其自擇熟識附近里分彼此奏合照民圖額數均
裝不許榜標宦儒名色朋謀免差亦不許添設宦儒圖
分侵損民田至於僧道等項用地若附民田之後則雖
無另圖之名而有另圖之實詭寄隱避皆從此出伏見

撫憲總藩江省時嚴飭僧道田與民田一體編入版圖
不得私掛圖尾督令州縣官勒石永禁小民至今戴德
江浙利病相同仰請 憲行并賜通飭凡僧道田地槩
與民田均編圖內不得妄附圖尾致生弊端庶於一體
當差之 令甲不至陽奉而陰違矣伏候 憲裁以上
二條俱仰體 憲臺除弊利民至意敬抒籲管可否採
擇伏祈 電鑒

撫都院張 批評

據陳二款洵爲大造均編要着如詳通飭遵行便民除

弊仍候 督部院批示繳

督部院郭 批詳

仰候 撫院批示繳

請 旨事詳 辦解本色料價抵兌地丁辛巳五月

浙省康熙三十九年分奉文採辦解 部本色物料價值原奉 部行於地丁銀內動支查從前各司任內因每年物料增減不一所有應支價值俱於司庫地丁銀內動支給發各屬採辦同係司總項下開銷歷年造冊奏報今本司履任之後查各屬辦過康熙三十九年本色物料價值原於地丁銀內動支尙有各縣未領銀兩因 奏銷將屆若令各屬照舊領回又解殊多轉折就經飭知備具文領并具應解司地丁銀兩批廻送司核

正作明收放判批清款符合 奏冊以省領解之煩今
據諸暨浦江二縣呈送應領康熙三十九年辦過原增
蠟茶顏料銀硃新舊黃蠟價值文領并具應解司庫康
熙三十九年地丁銀批到司本司核數相符所有該縣
送到地丁銀批擬合詳明呈送 憲臺俯賜掛號發司
以便作明收放印判批收彙呈 憲裁發縣附卷以清
年款符合 奏銷呈乞照詳施行

撫都院張 批詳

如詳作明收放以省領解之煩批廻掛發繳

顧天超諮等事詳仁錢二邑光丁辛巳六月

看得杭州府詳覆仁錢二縣里民陳上策等呈請豁光
丁又王之臣呈產少丁多賠累難堪等情二案俱奉

憲批司查議詳報就卽轉行杭州府確議去後今據該
府縣詳覆前來查地丁錢糧原屬兩項無不賦之地卽
無不役之丁如仁錢二縣丁口全書開載原有鄉丁市
丁之別據稱鄉丁乃隨產之丁市丁卽門面光丁歷來

辦納無異杭城仁錢二縣爲省會之區各府縣外來之
民寓住起食者十居六七此係排門市丁舊制相沿已

非一日從土從人要各有款誠未便加萬丁於產內以重因此服田之氓也再查流寓赤脚之光丁去來原無定址據議以住居門面者着其完納一經遷移卽令具呈請豁以接居者補額則輸將無虧蠹冊弊絕等語是雖不能豁免而流寓自無賠累相應悉如該府縣所議以遵舊制者也至王之臣所控一甲之內竟有四十二丁故絕無補不知前屆緝審開除故絕之謂何夫故絕自宜開除而究其所以積久相沿無從豁免者則誤於人死糧懸本甲是問之說也丁口增除不可偏泥一里

之盈虧而當通計合邑之消長若必以里頂里甲頂甲則丁多者得任其脫漏而丁少者世受其包賠亦必至之勢也今仁和令卽有通融弭補之議而猶必令該圖冊書協同搜報恐該圖二字猶然本甲是問之說矣且一邑之空丁如此者何限恐別邑之空丁如此者正不少窮民剗肉望切解懸應請憲臺嚴飭該令速飭通縣冊書詳加查核少壯必增故絕必免無分彼此共爲通融務使丁皆實在永杜包賠不必俟之情丁案內以啟需索之端其仍前暗報私裁及措勘故不開除者察

出定行重處則戶口不致無稽而編氓幸甦積困矣緣
奉 憲批查議據情詳覆伏候批示以便飭令遵照施
行

撫都院張 批詳

如詳轉飭遵照繳

懇 題援例歸縣省費裕課救竈湯火事詳 竈課

請歸縣徵率已七月

看得竈課必由丁辦而竈丁納課有在場在縣之分在
場費多而在縣費少竈丁之願歸縣而不願歸場亦情
理之易明者矣無如鹽場官役視竈丁爲机肉決不肯
任其出苦海而適樂郊此竈戶石大成等所以有懇

題援例歸縣之控又有林章浙東第一民寃之控也奉
批遵查各場竈戶從前原係場員徵收至康熙二十五
年備陳十害而始歸於縣及三十六年而仍復歸場各

竈戶紛紛以爲不復迨三十八年松江竈戶曾程等叩
關又得改場歸縣而浙江竈課仍屬場收不在同仁之
列苑枯不均笑笑小戶其能已於引領乎今聞兩呈言
言血淚蓋有鄭生之圖所不能繪者且夫國家凡事總
順民情各竈既願歸縣俯從其請亦復何疑況又有松
屬六場已奉

旨歸縣之成例乎不願歸場而必強之在場此誠不可
解也借曰縣場寫遠竈丁赴縣踰越山海往返維艱則
清泉等場離城不過數十里並不隔山越海且竈丁原

係今出兩課在縣完條從無跋涉之苦豈併縣徵課而遂有不便乎借曰三十八年前憲以竈課概歸地方官徵收具題部覆無庸議奉

旨依議在案但今日籲呼彌切

聖主聞之必有痼癰繫念者若據以入告或亦可令民隱不壅於上聞乎是在憲臺爲民請命別賜主裁非屬吏所敢擅便也至橫浦一場原本同松屬六場叩

聞故亦不在歸縣之內蓋歸縣則屬江南歸場則屬兩浙橫浦一場固與清泉四場同情而一例者也再查此

案兩奉。憲批俱仰本司會同運司查議隨移運司准
覆前因已經備叙詳明則運司之主場而不主縣來文
可見本司之主縣而不主場謬議亦不移似未能依樣
葫蘆而同聲附和也是以獨抒堯末仰候 憲裁倘
憲臺鑒運司之議爲可採則原移歷歷具載或另檄運
司詳覆庶議可排於臆顧而事不阻於紛岐矣

撫都院張 批詳

臨課請歸縣徵情詞迫切衆竈僉同仰即會同運司確
議妥詳以憑會 題仍候 督部院批示繳

督部院郭批詳

仰候撫院批示繳

請復舊制收人心以絕掛累事詳請均山陰縣坊

鄉田畝辛巳八月

撫院批行查議紹興府詳又山陰縣里民章萬等傳陸道等李彰等呈續奉院檄將山陰縣民李鳳等章萬等各詞連照上屆定議具詳銷案等因

看得山陰縣額田六十二萬五千餘畝原設版圖二百一十里至康熙十年大造定以三千畝爲一里山邑除江天城坊照舊存田外議將中鄉一百五十五里原圖

之內汰去一十五里有半僅存一百三十九里半通縣
共存一百九十四里半是汰圖所以均田使田果得均
而圖何嫌乎汰孰知汰圖之後江北三十里每里裝田
三千八百餘畝天樂十二里每里裝田四千三百餘畝
此猶藉口荒都也城坊與熟都何異而每里裝田三千
三百餘畝獨浮於鄉都民心之不平蓋已久矣茲屈大
造里民李鳳等所以有請復舊制之呈而紹興府所以
有仍照原里均田均賦之詳已蒙 憲批司確議續據
里民章萬等傳陸道等李彰等各以江北天樂二鄉不

在僉裁之內請存荒都等情上控併奉 憲批司一併
確查妥議遵俱轉飭紹興府查議去後又據里民章萬
等以循例不立創圖底荒熟得均等情上控又奉

憲批司妥議亦轉飭紹興府查議去後夫章萬等在江
天二鄉而請存荒都小人擇利無足怪者獨是既爲江
天而請存荒都又爲坊里而謀阻復圖豈一縣之事竟
可以章萬等一手主之乎據紹興府詳覆前情正在轉
詳間蒙 憲臺以士民紛紛呈控復圖害民不便檄將
李鳳等章萬等各詞速照上屆定議裝圖具詳銷結仰

見憲臺息事寧人之意但圖可以不復而里不可以不均卽江天二鄉與通縣之田或可不均而坊里與南鄉之田斷不可不均蓋江北歲修海塘天樂坐值浮橋田卽逾額似猶有名坊里何異於南鄉而田分多寡人殊苦樂相應請憲飭行城坊二十三里與南鄉一百三十九里半一例均裝不得縱任奸胥贏縮滋弊其康熙四年丈出餘田三千五百三畝與江北何涉而可久假不歸亦應均裝於坊鄉一百六十二里半之內以杜遺口又據稱不許豪強將熟田收入荒里併民間買賣

每年推收田畝以致混淆嗣後應止令於原里內立出的名的戶辦糧俟屆編審之期聽其收歸一處相應如該府詳二併嚴加通飭擬合遵批具詳伏祈憲臺俯賜批示以便轉飭遵照施行

撫都院張 批詳

據詳城坊與鄉里均裝其間恐有鄉城之不同且田地存圖已久紛更未便至民售產業推收聽從其便如限定十年不能允協輿情仰仍照上屆均編以免紛更滋擾仍候 督部院批示繳

督鄂院郭批詳

仰候撫院批示繳

懇 題援例歸縣等事詳 覆詳竈課應歸縣徵率

已九月

據看得情龍穿長等場竈戶石大成等呈請鹽課懇

題援例歸縣一案先經本司議得公屬各場叩

關得以改場歸縣而浙江竈課仍屬場收不在同仁之

例笑笑小民若據以入 告或可令民靡不塗於

上聞是在 憲臺爲民請命別賜主裁非屬吏所敢擅

便等因詳奉 憲批鹽課請歸縣徵情詞迫切衆竈僉

同仰卽會同運司確議妥詳以憑會 題等因奉卽轉

查運司確議去後今准運司移稱此案奉准 部議不

議奉 旨 詳文 竈課應歸縣徵一 案

准歸縣徵收在案今止清龍等場欲請歸縣其餘各場
官竈相安徽解無悞且松屈六場歸縣之後歷年積逋
不清疊受叅案事關具題移乞裁酌等因前來查竈
戶石大成等呈控懇題援例歸縣而林章又控浙東
第一民窺使其利於場而不利於縣則趨害棄利當非
人情獨是竈戶願歸縣而必不容歸縣本司雖非鹽官
似難越俎第查康熙十八年戶部等衙門會議如百姓
困苦失業徂賦難輸或被部院查叅或被科道糾叅如
未情與將該管司道府官員亦議革職等因今竈戶之

呼籲若彼定例之嚴切若此而運司膠於前議不能盡
一會詳本司上遵久頒之功令下陳無告之疾苦惟
有仰祈 憲臺主持民命特賜具 題則回天可冀而
積困得甦矣至此案奉 憲批司會議今運司與本司
所議各別未便會銜合併聲明

撫都院張 批詳

鹽課歸縣徵收自宜兩司會議詳 題未便各執已見
仰速移會運司妥議畫一通詳如再堅執該司卽叙切
實簡詳報奪仍候 督部院批示繳

督部院郭批詳

仰候撫院批示繳

請復舊制收人心以絕掛累事詳再請均山陰縣

坊鄉田畝辛巳九月

覆看得均田均役乃

聖訓惠民之實政各省無不遵行而浙省未盡畫一有以官儒而浮於民圖者有以城坊而浮於鄉圖者此處彼訕氓庶吞聲一體當差之謂何而堪此貧富殊觀強弱岐視也卽如紹府屬之山陰縣名曰均田而田實不均江北每里裝田三千八百餘畝天樂每里裝田四千三百餘畝城坊每里裝田三千二百餘畝南鄉民圖汰

去一十五里半而僅得每里三千畝此可謂之均田乎
此可謂之均役乎不知當日府縣何所見而參差不齊
何所爲而偏枯不顧也茲當通省大造之年又值

憲臺榮蒞之日萬姓喁喁無不思罄錮弊而振刷之乃
里民章萬等始以請存荒都等情上控旋以不立割圖
等情續控夫荒都之存章萬等所以自爲也割圖之不
立章萬等所以爲坊都也坊都不肯均田而又不便自
言故令章萬等代言之章萬等既留荒都而又阻復圖
誠里民之尤黠者也本司以江北歲修海塘天樂坐值

浮橋姑准照舊而坊里與南鄉請一例均裝具詳申請
蒙憲批鄉城不同且田地存圖已久紛更未便更見
滋臺籌慮精詳惟恐稍有不便以滋民累誠所以定制
而垂久也第差徭止患田地之不均並無鄉城之各別
况浙省鄉城一例裝田難以獨分於紹府卽紹府嵊縣
坊都額溢已奉憲批一例均裝難以獨別於山陰若
便於城都之二十三里恐實不便於南鄉之一百三十
九里半相應籲請憲臺飭行坊里鄉圖一例均裝併
將康熙四年丈出餘田三千五百三畝均裝於坊鄉一

百六十二里半之內以示均平而通勞逸者也再查均田之善非徒均於一日而必均於十年每有豪強之家不利均田借買賣名色年年推收則有田本少而忽多田本多而忽少者陽借售產之名陰壞均田之實雖曰稅稅過割而拴通奸胥捏契混過者往往而是則田雖均而終不均田既不均而役安得均也况買田卽於原里另立戶名自行辦糧有何不便卽日限以十年爲期太遠亦當以五年爲率庶彼此不致混淆而多寡可免參差矣本司從賦役民生起見不憚瀆陳伏祈

憲臺電鑒批示以便轉飭遵照施行

撫都院張 批詳

停止復圖江天照舊惟將坊里與南鄉井丈出餘田二
例均裝如詳轉飭遵照其買賣收除應聽從民便如有
胥役滋擾卽行查究繳

督都院郭 批詳

邱侯 撫院批示繳

遷陳圖制舊典等事詳

三請均山陰縣坊鄉田畝
辛巳十二月

撫院批行查議山陰縣里民沈叔猷等呈

看得均田良法率土遵行而獨不行於浙省之山陰必
不能行於山陰之坊隅查山陰縣額田六十二萬五千
餘畝原設版圖二百一十里康熙十年大造定以三千
畝爲一圖除江天城坊照舊存田議將中鄉一百五十
五里之內汰去一十五里半僅存一百三十九里半通
縣共有圖一百九十四里半江北每里裝田三千八百
餘畝天樂每里裝田四千三百餘畝城坊每里裝田三

千三百餘畝而南鄉民圖每里僅裝田三千畝參差偏累弊害無窮先據里民李風等以請復舊制呈

憲又據章萬等以請復荒都具呈均蒙 憲臺批司查議此其一公一私無難立辨而章萬等在荒言荒要無足怪惟是坊間竊恐其田之或均而患其詞之易折故復令章萬等以不立創圖續控陽阻復圖而陰袒坊隅計亦徒矣又蒙 憲臺批司查議隨行該府縣議詳前來本司以差徭止患田地之不均並無城鄉之各別恐便於城坊之二十三里實不便於南鄉之一百三十九

里半詳請一例均裝以示均平而通勞逸奉有坊里與
南鄉并丈出餘田一例均裝如詳轉飭遵照之

憲批而章萬之謀寢矣章萬之謀寢而坊隅之田在所
必均矣此沈叔猷等所以直露本相有遞陳圖制之呈
而竟欲以坊鄉兩樣抗撓均田之良法也又蒙

憲臺批司查議本司查城內所言獨撥一戶理近偏枯
是明言鄉圖之有苦累矣使鄉圖無累則均入鄉圖者
有何偏枯今既恐偏枯而不均入鄉圖則坊鄉之苦累
較然猶欲坊隅之田多於鄉圖此何說也又所言合城

坊之近而歸鄉都之遠者更有大謬田地在鄉而不在
城既可以城戶置鄉都之產何不可以城戶入鄉都之
里豈戶有鄉城之分而田亦有鄉城之別乎此其敢爲
邪說真屬奸民之尤者也查山陰坊隅一案屢貢

憲聰久經定案何物泥叔猷至今尙敢捏詞梗法本應
嚴究姑邀寬貸以廣 憲仁緣奉批查擬合詳覆伏候
憲臺批示遵行

撫都院張 批詳

據詳已悉仰卽銷案繳

浙省之兵米不敷捐米之存貯折耗謹請通給以

濟兵食事詳

壬午正月

竊照浙省應需兵米向以本省額徵南秋等米請撥支用其有不敷者動餉折給官兵自行採買年終造報

奏銷今康熙四十一年分因有閏月循例已將本年額糧抵給外計不敷米二萬四千九百三十三石五斗二升零每石估折銀一兩共該銀二萬四千九百三十三兩五錢二分零先經造入估餉文冊詳 憲咨

部請撥餉銀在案第查各府屬因地方備荒存有捐積

米石多寡不等亦有至一萬石以上者堆貯年久不無耗折而浙省兵糧既有不敷似可卽於捐積米石內照數支取以充兵食設遇地方應有賑給仍可動銀買糶今查嘉湖二郡各有南糧俱通水道向除撥給兵糧外原俱解運至省今酌將嘉協湖協大湖三營四十年兵糧原撥南米一萬一千一百七十四石四斗改調解省查嘉興縣存倉捐米一萬五千八百八十石較之別縣爲數獨多今動支五千二百一十八石五斗六升撥給嘉協營兵糧其原撥嘉協營兵糧之嘉興秀水嘉善

海鹽平湖石門桐鄉等縣南米五千二百一十八石五
斗六升但解省倉支給又歸安縣有倉捐米五千九百
六十石長興縣有倉捐米三千五百二十石德清縣有
倉捐米二千一百二十石今動支歸安縣三千四百五
十五石八斗四升長興縣一千五百石德清縣一千石
共五千九百五十五石八斗四升撥給湖協大湖二營
兵糧其原撥二營兵糧之歸安烏程長興德清武康安
吉孝豐等州縣南米五千九百五十五石八斗四升其
解省倉支給至寧郡不敷兵米內原有折給米四千七

百八十七石二斗六升六合查鄞縣存倉捐米三千九百六十石慈谿縣存倉捐米三千三百六十石鎮湖縣存倉捐米五千二百石今動支鄞縣二千石鎮海縣一千七百八十七石三斗六升六合慈谿縣一千石共四千七百八十七石三斗六升六合撥給提標定海標二營兵糧又溫處二府共不敷兵米二千六百一十三石七斗四升上年派撥折給米款今查二府屬捐米甚少無庸動支若將隣郡捐米撥給則陸路轉輸腳費無出相應仍照舊折給此外省倉尙不敷米六千三百五十

八石零一升四合酌於仁錢二縣存倉捐米支給以上
杭嘉湖寧四府合算該支積貯天下本計等事案內捐
米二萬二千三百一十九石七斗八升溫處二府折給
米二千六百一十三石七斗四升共符原估不敷米二
萬四千九百三十三石五斗二升零之數擬合備造撥
動縣分米數清冊詳請 憲臺俯賜具 題或者

內部候覆到日以便遵照動支給發庶待給之兵糧有
濟而貯倉之耗折無虞矣再查原估不敷米二萬四千
九百三十三石五斗二升零此係照依經制營兵應支

之數其綠旗各營兵丁例應扣除截曠小建米石尙有
各屬額徵糧米多餘其杭屬兵糧設有省倉餘米可支
應剩仁錢二縣捐米統俟 奏銷將用過實數造冊報
銷擬令詳明伏候 憲臺批示遵行

撫部院張 批詳

仰候核 題仍候 督部院批示繳

督部院郭 批詳

仰候 撫院批示錄報繳

浙藩牌檄

請 旨事檄縣 辦過料價抵兌地丁辛巳四月

爲照各屬每年辦解本色顏料蠟茶銀硃漆解黃蠟等
項價值向俱於原解司庫地丁項下領回補款今查三
十九年分該縣辦過料價逾歲已久未據領回但此項
價值原於地丁項下動用之款况 奏銷在邇若領回
又解殊多轉折合行飭知爲此仰縣官吏速將辦過前
項料價遵照分別各本案註語銀數備具現送月日文
領并具應解司地丁銀兩批文投司核明以憑作明收

放判批毋得遲違

申嚴委署以飭吏治事檄屬郡 辛巳七月始

照得吏治之弊蓋亦多端而委署其一也每見一有缺
出或央情面或許賄賂其百計營求者不知凡幾試問
此央情許賄之費不出之地方而誰出乎既幹辦而得
之即搜括以償之固不俟身到地方而已耳心貪緣無
意聲名矣然此鑽謀奔競之員之不肖而實藩司
有以致之也藩司視地方之美惡爲酬謝之厚薄署員
卽甚狼籍藩司必與優容留一委署之員卽得一委署
之利所以署員心有依恃全無顧忌婪炙小民不廢不

休諺云權官如劫賊良有以也署員既身造其孽藩司
實陰降之殃民生安得不困吏治安得復清本司洞悉
此弊深爲痛恨立意革除凡有缺出或因地之附近或
因才之堪用虛衷詳委聽候 憲奪如蒙允詳必取該
員到署不致酷虐百姓逢迎上官切實印結方許承委
治事倘接署之後稍有不法本司一經訪聞立即揭叅
今該屬某縣缺出已經詳委某員署理除另檄知照外
合行嚴飭仰府照牌事理卽行該署員遵照務須廉潔
自持撫綏有法無以代庖而悠忽從事無以踵陋而貪

需妄行仍取該員切實遵依印結方許前赴署所倘或
故違法在不貸愼之毋忽

欲除州縣之虧空先輩藩司之陋規特申條約共

質官民事概屬府州縣

辛巳九月

照得州縣職在錢糧處分首嚴虧空乃浙省今日州縣
多不可問那彼應此移新掩舊積月累年盈千鉅萬半
出於有司之不肖半由於知府之勒索蓋州縣事事在
知府之掌握則種種聽知府之徵求恐一不當而功名
性命隨之詎知剜肉醫瘡水窮山盡一朝敗露無計補
苴倉庫既虧身名俱失雖扳既去之賊填未完之項已
無及矣然知府之所以敢於勒索而無忌恣爲徵求而

無壓者則皆藩司有以致之也藩司取之於知府則知府不得不取之於州縣州縣非取之於詞訟卽取之於庫帑層累剝削膏吸髓枯設官置吏之謂何而竟成上下交徵之一局也本司叨荷

特恩備藩兩浙惟期察吏安民稍効涓埃念去蠹首在懲貪而正人必先正己愧送禮節陋規宜禁彈兌加平陋規宜禁兵餉掛發陋規宜禁奏銷、部費陋規宜禁委署資緣陋規宜禁南糧徵收陋規宜禁除將禁革六條刊示頒發通曉外合行嚴飭爲此牌仰該府州縣官

吏文到卽將發去示條實貼該府州縣署前及各城門
如本司言清行濁該府州縣卽據實報 憲靜聽參處
如該府州縣違禁藉端私派及本司暨該府州縣胥役
併地方棍霸指稱名色攬騙民財定行揭拿究斷不
寬貸慎之慎之

酌議官捐等事檄屬府州縣

代州縣給新添黃蠟解費壬午二月

照得浙省解部本色物料解官長途飯食使費除司

庫給發安家口糧水腳外各屬捐貼多寡不等在州縣

則藉派擾民在知府則多派扣剋以致小民苦累徵費

賠費上年曾經議詳每觔着令印官自行捐給飯費銀

一錢三分交給解員運解在案查議定每觔飯費銀一

錢三分之外本司尙給有水腳是已浮於各府原定之

數矣今康熙四十一年分新添黃蠟四千觔起解在邇

本司軫念各州縣措辦維艱所有各州縣應捐銀兩本

司多方設處代爲給發稍甦印官苦累合行飭知爲此
仰府州縣官吏遵照卽將四十一年新添黃蠟一項照
依派定數目填具單批先行投司核明發府收齊該府
彙批交給委官解部以杜混派扣剋情弊其各州縣
應捐銀兩俟解官投批到司之日本司照數代爲給發
解官收領運交其府解戶役銀照依單開數目支給該
府縣外得仍前混派扣剋滋擾該府官亦毋得再行指
索絲毫察出定行揭叅仍取其各不遵遵依送司查考
毋違

浙藩告示

敬惜字紙示

爲惜字舉文承除積習叩天法禁恩垂不朽事照得文
字之通行至今而極廣字紙之棄棄至今而彌甚嘗讀
文昌寶訓諄諄告誡或以敬字獲福或以不敬字招殃
備有明徵尤宜凜奉乃近見一切字紙狼籍通衢隨處
作踐於厥所由蓋起於有用字紙之人遂有賣字紙之
人其用字紙者典當舖以字紙包銀雜貨舖以字紙包
貨烟線舖以字紙包烟包線大小各店以字紙隨便包

封物件凡各店舖俱有廢簿自用不足又買字紙湊之
獨不思包裹之字紙寬則張許小則零片存之毫無別
川棄之尤不經心措拭穢污拋踐糞土大率皆此物也
夫間張既已得利何妨稍費錙銖易用白紙他姑勿論
如當舖一年出入最多其登記號簿與取贖舊票亦最
多操商賈而權子毋猶吝此毫末之資而造無涯之孽
其愚鄙也實甚既有此等買用字紙之處固而不肖子
弟拆賣書籍無賴僥倖偷賣書文又有各衙門房科以
年久之冊籍牌票文稿底串出賣又有蒙館塾徒收積

描紅摹本之字紙出賣又有書坊文肆將無用舊文出
賣又有碗店廣收字紙販換逐利凡各店舖所買用皆
出於此賣者既貪其出脫之速用者又利其價值之廉
展轉飄零恣意割截甚至糊窓褻額裹燭襯鞋莫可究
詰其尤可痛恨者訪得浙省桐蠶地方購買字紙以蠶
其上蠶穢堆積蠶成即以字紙雜諸廁溷爲糞田之具
慘哉至此不忍耳聞奚堪目擊種種惡習亟宜湧除本
使司里居時嘗率子弟輩糾訂惜字義會捐貲收買字
紙及破碎有字碗片投送水火行之十數年至今不敢

廢諒好善固有同心皆可倣此而行也聞之不敬字紙
者得子孫不識字報人無論貧富貴賤卽賺一文錢喫
一碗飯養幾個兒子俱從識字中博得受用奈何罔知
敬惜卦受子孫目不識丁之報今據士民鄭允恕等僉
呈前來合行禁飭除磁器燒鑄字樣一面申移江右
憲藩通行禁止外爲此示仰屬官吏軍民人等知悉
照依後開款項著實遵行情無用之字其事甚微留有
用之字其功甚大該地方官併飭佐貳首領等員及坊
總人役不時稽察如有抗玩不遵立拿究處其賣用字

紙許卽僞數製焚坊總徇隱一體治罪亦不得借生事
端以滋擾累本使司言出法隨爾等勿以善小而不爲
勿以惡小而妄爲也各宜凜遵毋自貽戚

計開

一禁典當舖以字紙包銀

一禁雜貨舖以字紙包貨

一禁烟店線店以字紙包烟包線

一禁蠟燭店以字紙裹燭心

一禁南貨舖以有字紙錢賣作幽冥通寶

一禁用字紙作蚊烟袋

一禁用字紙作針線簿

一禁用字紙襯鞋底

一禁用字紙糊窓櫺壁覆甕

一禁用字紙套簪

一禁綢緞舖布帛舖香料舖脂粉舖糕餅舖用字

紙招頭宜改用花草鳥獸爲記

一禁草紙木屐雨傘油紙漆器皮貨店舖用字紙
招頭宜改用花草鳥獸爲記

一禁拋擲有字破碎磁器宜覓人收聚彙送江中
一禁拋擲有字殘廢紙張宜覓人焚化彙送江中
一禁書坊刊賣山像淫詞艷曲小說山歌大傷風
化

嚴飭官方以肅功令事示司道府州縣

壬午三月

照得吏治之清濁關係民生之休戚而屬員之賢否尤視大吏之貪廉我

皇上勵精圖治察吏安民凡屬臣工自宜潔已忘私奉公守法庶幾官箴無玷報最可期本都院總藩一載矢念澄源雖剷除宿弊嚴行禁革而波靡難挽積習猶存今荷

皇上特恩陞授浙撫深懼蚊負夙夜靡寧惟冀各司道府州縣恪遵法紀加意撫綏以仰副

廉潔

卷五

告示

勅官方肅功令

毛

表

虞策

皇上愛養元元至意第大吏者小吏之表率有守者有
爲之本前以欲除州縣之虧空先輩藩司之陋規等
事嚴切諭諒共聞知今日端本澄源則更當自巡撫
如巡撫取之於司道則司道不得不取之於下屬知府
取之於州縣則州縣自不得不取之於小民層層剝削
終實有歸今本都院撫浙伊始首飭官方念正已乃可
正人小廉必由大法亟除陋習布告宜先除通行外合
出示曉諭爲此示仰該司道府州縣官吏知悉務期
潔已奉公不得忘身黷貨如本都院有一毫之不肯一

上聞顧其重典倘該司道苛求下屬以及知府勒索州縣併州縣虐詐小民一經告發或有訪聞立以白簡從事弗顧一家之哭本都院不諳世法不徇人情各宜洗滌肺腸勿以功名性命嘗試凜遵毋忽

浙撫奏疏

陞浙撫謝

恩疏

壬午四月二十四日

為恭謝

天恩領到

御書事竊臣受

命撫浙之日即具疏恭請

聖見正在東裝以待今於康熙四十一年三月二十一

日臣男山西臨汾知縣臣趙鳳詔祇領

皇上獨幸五臺行宮頒賜臣

奏疏

御書一卷轉賫到浙臣隨率所屬文武各官出郊跪迎
至署恭設香案望

闕叩頭祇受啟封敬覽乃臨董其昌所錄崔子玉座右
銘伏觀

天章蔚藻幾奪化工鳳舞龍翔光彩輝映臣舒卷甫竟
恍如仰觀

天顏躬聆

聖訓竊念臣本一介墮儒孤踪寡合自假歸田里杜門
養疴久不掛人齒頰荷蒙

皇上特授浙藩未及一載旋陞巡撫非常隆遇頂踵難
辭惟恐奉職無狀上累

聖主知人之明日久冰兢不遑寢食乃復蒙

皇上眷念微臣遠頒

宸翰廼憶上年正月二十九日臣

陛辭跪請

聖訓時求

賜卹書

皇上面諭云且待一年之後屈指至今適當匝歲是區

藥案習存

卷三

臣等謹將

平懷策堂

區大馬日歷

宸衷

天語如春歲時不爽言念及此臣雖肝腦塗地真未足
報

聖明萬一也接閱臣男手稟內開二月十二日

皇上在行宮召見臣男惓惓垂問微臣隨有侍衛口

傳

溫旨臣數千里外聞之感而且愧言念受

皇上不次厚恩卽飲地芳分永永爲違分不意

皇上愛臣信臣過加褒獎至於如此又臣男鳳詔年少未諳吏事初授山西沁水知縣待罪七載蒙

恩特調臨汾臣寓書戒勉毋得輕自暴棄以玷祖父而負

朝廷今雖兢兢自守而地方繁劇愆過實多

皇上不加譴責乃以微員召見行在並賜

御書帑金贖世殊榮更出意外又臣胞弟新選廣

西邊江知縣臣趙申季寄臣家書備述上年十一月十

三日引見時

集案畧存卷主奏疏臣謝撫訓恩平襄庭堂

皇上詢及閣臣知係臣弟顧問再三臣弟感激涕零亦
深自努力以圖報効臣自顧何人父子兄弟並受
國恩至優極渥但誠愚才短無能仰荅

皇上知遇之隆惟有益自刻勵潔已愛民戒勗子弟鞠
躬盡職倘有一毫不肖一念欺

若是匪徒得罪

皇上爲國法所難寬抑且得罪於天下萬世爲名教
所不容矣除奉到

邸書裝黃摹石傳爲世寶外謹恭疏 奏謝臣言有盡

臣心無窮貼煎難盡伏祈

皇上睿鑒施行

總憲奏疏

請免民房地租疏

爲躬逢

萬壽昌期謹推三年蠲免錢糧之例請免本年民房地租以廣

皇仁以祝萬年事竊惟

皇仁撫育群生五十餘年德洋恩溥淪肌浹髓猶且軫如傷之念頒格外之恩將天下地丁錢糧自五十年爲始三年之內全免一週總計免過新徵舊欠共銀三千

三百六萬四千六百九十七兩有奇誠千古未有之珠
澤斯民幸觀之隆施也一時耕田鑿井之衆莫不嬉遊
化日歌咏 堯天矣惟有住居官地之民其房雖民間
自造而地則原屬於官每年完納地租理法所宜但此
等租銀大戶百無一二其餘皆係貧乏小民或開店營
生或挑擔餬口一日所得不足養贍妻孥且租有昔輕
而今重者人亦屢易而已非者所以輸納不前拖欠屢
積有司之催徵既難槩施敲扑冊上之銀數僅爾徒掛
虛懸夫耕

朝廷之士者已獲蠲免新舊之賦棲 朝廷之地者亦
冀免新舊之租幸遇 六旬大慶之期正四民望 恩
之會伏乞 勅部將康熙五十二年地租并舊欠實數
查明開奏應否照蠲免天下地丁錢糧新徵舊欠之例
出自

天恩則九野咸歌樂郊而 萬年永登 壽域矣臣敬
體

皇上愛民如子恐一夫不獲之心籲陳萬姓望
君如凶歲有不容膜置之隱冒瀆

宸嚴仰祈 慈宥爲此具疏恭候

聖裁

奉

旨列入康熙五十二年三月十八日

恩詔款內

請正文體疏

爲請正文體以勵實學併端始進以拔真才事竊惟
國家取士以科目而試士以文章查科場條例有文體
不正之處分則文體之所關重矣然欲正科場之文體
必先正歲科生童之文體蓋生童之讀書稽古者其文
必曉暢而淹通若學業空疎者其文章必草率而淺陋
向有歲科前列生童解卷磨勘之例是以學臣有所畏
忌而衡文必依乎法度自磨勘之例停而學臣遂得任
意爲顛倒無論其有私也卽無所私而文風大壞安望

科場之有佳士哉夫磨勘之停原恐禮部借端以吹求而陰責其打點臣以爲宜照科場磨勘之例令學臣將前列生童數名原卷解部部臣以解卷到時卽請

皇上點定磨勘之員勒限勘完題報如有文體不正仍會同九卿查閱明白公同叅處不得苛索微疵挾私妄議則磨勘之陋弊可除而應試之文體可正矣至於童生入學尤爲士子始進之途學臣視兩考爲利數寒儒生童遂望一矜如登天臣於順治十八年入學迄今老矣回憶艱辛之狀猶歷歷如在目前也今學臣之廉潔

矢公者固不乏人而貪墨踰閑者亦難保其必無若多
賣一秀才即少得一真才豈容以士子始進之功名克
不肖學臣私肥之囊橐但學臣之考試難掩督撫之耳
目無論學道受督撫之節制卽學院亦無不向督撫而
逢迎是以督撫從無糾發學臣之私事豈學臣盡出於
公由督撫暗分其賄賂臣請

天語嚴飭督撫約束學臣務以

皇上之心爲心毋以學臣之利爲利如不肖學臣別有
發覺督撫一體治罪則督撫不致通同苟且而學臣不

敢蔑法營私矣臣仰體

皇上慎簡學臣遴拔真才至意爲此具疏恭候

聖裁

奉

旨該部議奏

請免潼關衛大同府五十一年未完米豆草束疏
爲一聖世施恩已極愚民望澤無涯謹陳道路輿情仰
祈

睿鑒事竊臣奉差由晉至陝兩省百姓皆頂戴我

皇上特蠲本年錢糧非免歷年舊欠

洪恩浩蕩亙古所無共祝壽考同天莫不歡聲匝

地惟陝西潼關衛士民屢次環臣僉願以該衛米豆草

束未蒙蠲免據稱衛糧盡屬本色非漕糧可比欲援

恩免蠲漕穀石奉天米豆之例望

奏 卷三
皇上一視同仁等情又臣閱則抄晉撫蘇克濟疏稱大
同所屬五十一年糧草同額徵地畝銀兩祇絲三十三
年併四十九年添設右衛旗兵所需糧草甚多是以將
此地畝銀兩改徵糧草運送右衛今蒙

皇上蠲免地丁銀兩則此改徵米豆草束似應邀 恩
蠲免再歷年舊欠盡行蠲免所有四十八年未完改徵
米豆草束均請一例免徵等因戶部以五十年十月初
三日

上諭並無本年應徵米豆草束與民欠米豆草束盡行

蠲免之處將該撫所題均無庸議奉

旨依議欽遵在案查潼關衛與大同府五十一年應徵米豆草束既不在

上諭蠲免之內自應遵照徵收臣何敢復爲輕賁但思我

皇上舉曠世未有之仁政沛普天不再之恩膏固欲使無一夫不蒙其澤無一處不被其庥也今潼關衛與大同府俱以不徵銀兩獨在蠲免之外雖部臣因以本色爲重然本色折色總出地丁項下蓋需折色則徵銀兩

需本色則徵米豆草束原非有二若免折色而仍徵本色愚民何知不免賒望之心况康熙四十二年

聖駕西巡已將以前各項積欠銀米草豆錢糧盡行蠲免而五十年奉天所屬應徵米豆部議亦予蠲免至臺灣所屬五十年應徵穀石奉

特旨以已經徵完在官雖蠲免與小民何益將五十一年年穀石着行蠲免

聖慮周詳 天施優渥不獨窮簷赤子挾髓洽肌而凡在臣工無不捧誦感泣今潼關衛與大同府五十一年

米免米豆草束應否一體 恩蠲倘或已徵在官應否
照臺灣例准於下年

萬壽大慶之期同邀蠲免則秦晉編氓均霑雨露永戴
皇仁於億萬年矣臣備員言路仰體

聖主愛民之心既有所見不得不冒昧 上聞 恩出

聖明伏乞

皇上睿鑒施行

奉

旨該部議奏

戶部議覆奉

青潼關衛大同府所屬五十一年應徵米豆草束既已
徵完今雖蠲免亦無益於小民明年應徵米豆草束
着蠲免

恭上司田旻如僭越請祝 萬壽疏

爲特糾違例土司祈 賜嚴飭以崇 國體以昭 國法
事切惟

朝廷有不可造之法制臣子有不可越之體統固中外
所共凜遵而大小無敢僭踰者也湖南容美土司田旻
如始由捐納通州州同繼而以襲世職乃年少輕狂妄
自驕倨上司不能節制隣近畏其克威臣聞邸抄見田
旻如仰請

萬壽事一本內有 恩允赴京俾隨豹尾駕班之末叩

祝等語夫

萬壽昌期普天同慶無一人不在覆載之內卽無一人
不懷頌祝之忱何有於土司何有於曼如彼文官自督
撫之下武臣自提鎮之下豈不願卽卽於

闕廷呼 嵩劾恟然而不敢妄請於

至尊者以法制所在體統攸關不容遠越致干罪戾也
曼如乃以微末土司輒敢具本冒瀆

宸嚴其自視爲何等也況在 廷濟濟拜舞 彤墀各

有定例今以微末土司敢隨爲班之末其視爲班又何

等也蓋旻如雖以祝

聖爲名其實則倖邀 俞允將嚇詐隣司任其指揮藉
派隣司恣其苦索假公濟私有不得不急爲禁止者伏
乞

皇上乾威嚴飭俾土司知有定例不敢悖違則 國體
崇而 國法昭凡在臣工不至與土司爲伍永戴
聖明於億萬年矣臣備員言路未敢緘默爲此具本糾
奏伏乞

皇上睿鑒施行

奉

旨知道了該部知道

題知州鄭人惠被鹽院寬叅疏

爲循牧無辜被累謹據聞入 告請 勅嚴查以昭法
紀事切惟民生之休戚在有司之賢否而屬員之懲勸
在大吏之公明臣奉差赴陝路經山西平陽府蒲州據
該州士民俱稱前任革職知州鄭人惠做官好到任未
及一年前任袁鹽院將前官鹽引俱坐鄭知州任內又鄭
知州所解鹽課銀四千餘兩不作鄭知州起解稱爲鹽
引不繳題叅革職實爲寬抑及臣事竣回時過太原府
見撫臣蘓 因訊其鄭人惠被叅緣由據撫臣蘓 云

鄭人惠做官還在好的一邊到任不及一年前任鹽院將前官四五個的未完鹽引俱叅了他又將鄭人惠解過鹽課四千餘兩不作該州起解以致叅處革職與臣在蒲州所聞無異及臣回衙門查前任鹽院袁保桂五十年九月內所送揭帖內開蒲州知州鄭人惠每年應銷額引六千五百張該州將四十八年叅後之引尙欠四千八百五十五張竟不帶銷全完四十九年四季鹽引未繳一張至五十年春夏秋三季又應繳四千八百七十五道亦無一引中解查定例內銷引欠八分以上

者革職鄭人惠明係怠玩溺職等語臣查鹽課初泰定
例欠八分以上者革職蓋計一年所徵之分數以定經
徵之考成從無未及一年卽照一年題泰之例亦無未
及一年并將七季題泰之例今鄭人惠到任不及一年
袁保柱卽照一年題泰又將七季并泰此何爲者也接
徵四十九年未完引之鄭人惠既在所應泰則經徵四
十九年未繳引之各官豈及不應泰今袁保柱置四十
九年之官不泰而以到任未及一年之鄭人惠泰爲七
季未完庇前官而在後官此何爲者也前官欠既俱上

於鄭人惠則鄭人惠之解銀卽應除鄭人惠之欠數乃
袁保住將鄭人惠解過鹽課銀四千餘兩又不作鄭人
惠起解有心叅陷此何爲者也鹽道管理通省鹽法申
報完欠是其專職河南獨無鹽法道乎知州欠引果真
鹽道卽當揭報鹽道旣不揭報鹽臣何不併叅乃袁保
柱曲庇鹽道不文彬而止叅知州鄭人惠此又何爲者
也種種悖謬地方爲之不平卽撫臣亦不以爲是總因
鄭人惠不得鹽商之歡心以致登鹽臣之白簡袁保柱
亦祇圖快鹽商之私意而不顧知州之含冤若鹽臣俱

可如此任意叅劾則州縣不得不剥民以奉商而小民必大受其苦累臣思我

皇上恩同天地明並日月豈忍使有一夫之向隅伏祈勅下山西撫臣確查鄭人惠居官優劣到省會否滿年四十九年四季鹽引係何官未繳會否題叅併鄭人惠解過鹽課銀四千餘兩作何着落其知州抗引鹽道何不揭報鹽臣何不併叅逐一查明題覆以候

聖裁則鹽臣知有 功令而小民胥濡惠澤矣臣備員言路職司糾叅且袁保柱原山御史巡鹽臣亦有稽察

之責是以不避嫌怨據實具題伏乞

皇上睿鑒施行

奉

旨該部察議具奏

請禁虛兵冒餉疏

爲請禁兵丁頂名食糧以除虛冒以實營伍事竊惟治世之道居安而必思危經國之猷揆文亦兼奮武我皇上奠丕基於一統建萬世之大平命將設兵星羅棋布毋年養兵之餉不啻千萬計所以樹威銷萌安民保泰慮至深而意甚遠也夫設一兵必得一兵之用而後兵不爲虛設費一餉必得一餉之實而後餉不爲徒費今之標鎮協營果能兵無虛設而餉不徒費乎如其不然則是册上有兵而伍內無兵此兵將安往也竊上有

餉而軍中無餉此餉將安歸也其咎固在於侵餉之官而其弊總起於頂名之兵蓋兵之召募者卽爲新收而兵之事故者卽爲開除此一定之理亦一定之法也自食糧之兵皆頂名而非真名雖有召募而悉係舊名則無從辨其爲新收卽有事故而仍存舊名則無從察其爲開除應除而不除則未除以後之餉俱飽侵餉之腹應收而不收則未收以前之餉盡入侵餉之囊或經查點而塗人皆兵不妨張冠李戴孰能識其是非或追摘發而相沿已久不難指東話西孰能驟爲改易

朝廷捐餉以養兵營伍無兵而糜餉

朝廷方期士飽馬騰之效而營伍祇爲肥家克棄之謀豈不大可惜哉不惟是也兵丁有犯命盜本案之事而粗册無名便可脫然事外則頂名之兵卽爲藏奸之地矣不惟是也兵丁有准入場考試之例而私行替換便可倖弋功名則頂名之兵又爲舞文之魁矣種種弊端總由頂名食糧而其流遂至於不可究詰臣請

勅下直省將軍督撫提鎮嚴查各營兵丁從前有頂名食糧者速行據實報明改正嗣後食糧兵丁遇有事故

印與申報間除一有召募亦卽按名註收併將兵丁改正姓名及真正年貌籍貫造冊報部倘有不遵卽以虛冒兵糧論如此則兵皆真名自無虛兵餉皆實餉自無冒餉行間盡荷戈之士地方藉防守之益而

國家自享磐石之安矣籌兵節餉似屬有裨爲此具疏

恭候

聖裁

奉

貴該部議奏

戶部奏疏

老病乞休疏

爲微臣衰病難支再懇

天恩罷斥以全臣職以安臣心事臣於本年三月二十五日以前以微臣衰老實甚等事具奏奉

旨卿効力年久清勤自勵簡任司農正資料理者照舊供職不必以老病求罷該部知道欽此臣自顧何人庸茲

天語伏床叩頭感激涕零伏念臣草茅微賤忝中歲歷

九年二甲進士蒙

聖主參養五十餘年又不次擢用以至今職每懷

高厚竊竊難忘夙夜匪懈臣之分也鞠躬盡瘁臣之志也苟可勉力奉職而妄興偷安是負我

皇上并負臣之心也臣年七十七歲兩耳久已重聽前月初三日不足忽染酸疼猶可勉強進部辦事至初八日而疼楚難忍不能行走腫臥尚可少安掙起便欲跌倒且腹瀉不止肌肉消瘦臣亦不解何故伏枕已經月餘望痊非可一日切揣精神耗竭氣血虧損以致足難

履地渴不能止戶部爲錢糧重地今滿尙書孫查齊已
隨

聖駕臣又病廢臥家不能進部辦事臣心何以自安伏
乞

皇上俯覽真情 恩賜罷斥另簡賢能料理部務俾臣
得以安心調養仍俟慶祝

皇上七旬萬壽之後卽回原籍歌咏太平則臣有生之
日皆

君父所生之年感激於生生世世矣臣不勝懇籲之至

東華集卷三

伏乞

皇上全覽施行

奉

旨前以老病乞休已有旨了着在任調理照舊供職該
部知道

遺本

竊聖恩難報臣心未盡謹澆愚悃以達微誠事切臣草
茅微賤忝中康熙九年二甲進士由行取知縣歷陞員
外告假家居茲
皇上不次擢用

特授浙江布政使司布政使兩任巡撫游歷今職屢蒙
皇上賞賜匾額對聯詩扇袍帽書籍寶硯珍珠知遇榮
寵從古所無臣秉性愚昧咎愆多端

皇上有其異過保其身家隆恩異數末由報稱本年

三月中臣右腿疼痛走動艱難肌肉消瘦腹瀉不止誠
恐貽誤部務曾以微臣衰老等事兩疏奏請罷斥蒙
皇上特加溫諭并復臣已革之職免臣應賠之帑又
賞賜膏藥腹瀉頓覺痊可於七月二十四日赴熱河謝
恩隨入部辦事臣亦自知精力尙未復舊祇以受
恩太重圖報實切不敢以衰老求罷本月十五日隨諸
大臣忭舞叩賀又蒙

溫語垂問臣歸語家屬閤門感泣詎十六日傍晚自部
回寓心神恍惚語言蹇澁十七日早自覺清爽仍進部

辦事兩日十九日隨九卿赴 暢春苑舊疾陡發二十
日臣力疾赴部滿尚書孫查齊勸臣歸寓調理嗣後卽
痰嗽喘急一息奄奄從此永辭

聖世犬馬之報願矢來生至臣長子熊詔現在軍前効
力四子鯉詔康熙戊子科舉人臣惟有遺囑二子竭力
報効以繼臣未盡之志抒臣欲報之衷臣伏枕叩頭口
授臣子鯉詔繕疏奏

聞臣因備瀝遣忱字多逾格貼黃難盡合併聲明

奉

旨趙中喬効力年久清勤自勵簡任司農實心供職忽
聞病逝朕心深爲軫惻應得卹典著察例具奏該部
知道

自粵回 朝奏陳關蠹阻留鹽船勒索楚商疏五

十三年四月

爲直陳湖南鹽船等事切湖南桂陽臨武藍山嘉禾四
州縣行銷粵東引鹽臣前任湖南時據各商具呈由韶
州府樂昌河可以直至臨武境內牛頭灘水東兩處立
埠行銷俾民間得以就近挑食而商人得免陸路之苦
隨移咨東撫塩院兩衙門行令運司詳定准由樂昌河
輓運三載無異商民稱便上年臣在廣東據桂陽州埠
商周六府嘉禾縣埠商胡文鍾臨武縣埠商曾宗魯等

呈稱鹽蠹某串通太平關樵蠹蔡勝殿等於康熙五十年十月阻番鹽船勒索桂陽商銀一千一百兩五十一
年十一月又勒索嘉禾商銀七百兩臨武商銀四百兩
俱有過交可証等情臣隨經移明督撫查究但積蠹目
無泐紀誠恐日久弊生伏乞

敕下督撫嚴禁阻截追贓充餉又太平關統轄三關每
遇關船一隻除正稅外勒索單錢銀七錢飯錢銀七錢
轎錢銀六錢俱用重戕稱收商民苦累實不能支并祈
天語嚴飭則商民可免額外之費矣臣謹具題伏乞

皇上聖鑒施行

戶部覆 查鹽蠹某串通太平關權蠹蔡勝殿等勒索佳陽嘉禾臨武鹽商銀兩既經戶部尚書趙移明督撫查究在案應仍行該督撫作速審明報 部併將阻截鹽船等弊嚴行禁止其太平關正稅外勒索單錢飯錢轎錢等項名色苦累商民之處亦令該督撫嚴飭該關永行禁革可也奉

旨依議

兩廣總督部院趙 行運司牌

案查先准

欽差都察院左都御史趙 容爲權靈背 天成案等事

業經行據按察司會同該司等查訊會詳前來經批
如詳勒石永禁其勒索銀兩既稱周六府等攻証鑿
鑿仰速移行嚴拘未到犯証究審定擬通詳毋任狡
飭攔案等因在案今准 部咨前因除行按察司及
照會太平關并出示曉諭外擬合就行爲此牌仰運
司官吏照牌備准 部咨奉

旨內事理卽便移會布按二司一體欽遵查照將盜

某等惟肅恭勝殿等勒索桂陽嘉禾臨武藍商銀兩
作速提齊案內犯証人等審明追贓定擬詳解以憑
親審會核報部併將阻截盜船等弊及太平正稅
外勒索單錢飯錢轎錢等項名色苦累商民之處一
併嚴速移行欽遵勒石永行禁止革除取具碑模繳
報該司等不時稽查倘有陽奉陰違立即飛報以憑
官叅役處仍令該關按月出具並無勒索印耳各結
呈繳察核均無違悞